

يهدي به الله من اتبع رضوانه | المقطع (31) |

#الخروج_من_التيه | د. حازم شومان

حازم شومان

كلنا نفسنا نفهم القرآن. كلنا عايزين نعرف ايه مفاتيح فهم القرآن. اية من الايات العجيبة يا جماعة. الله سبحانه وتعالى قالها اداك فيها مفاتيح فيها بالقرآن في كلمة واحدة بس وفي نفس الوقت اداك فيها انا لو فهمت القرآن هيتغير في حياتي ايه. وفي نفس الوقت جوة الاية دي اعظم - [00:00:01](#)

حزف في القرآن كله. ايه الاية دي؟ قال الله عز وجل يهدي به الله. يهدي به بهذا القرآن. يهدي به الله مين يا رب؟ مين يا رب اللي انت بتهديه بالقرآن ده من اتبع رضوانه؟ سبل السلام. يهدي به الله من اتبع رضوانه. يعني مين اللي القرآن بالنسبة له بيهديك - [00:00:24](#) مين اللي اما بيقرا القرآن بي فهم مراد ربنا ايه وبيوصل لمراد ربنا من اتبع رضوانه. يعني ايه من اتبع رضوانه؟ اي من اتبع رضا الله. يعني ايه من اتبع رضا الله اي من تتبع ما يرضي الله. يعني الفهم على قدر الهم. يعني دي البداية دي الاستارت. دي اخطر بداية في علاقة - [00:00:44](#)

بربنا وفي علاقتك بربنا. هو انت عايز توصل لربنا؟ ولا انت عايز تتبع هواك؟ هو انت رايح تسأل الشيخ عشان الشيخ يدريك اللي انت عايزه؟ ولا انت رايح تدور فعلا هو ايه مراد ربنا في المسألة. عشان كده - [00:01:04](#) الله سبحانه وتعالى لما ذم اهل الاهواء بيقول ايه؟ هم شعارهم ان اوتيتهم هذا فخذوه وان لم تؤتوه فاحذروه. رحتوا للشيخ. قال لكم حلال وقال لكم ايه تمام وما فيش اي مشاكل في المعاملات المالية دي ولا في طريقة الجواز دي. هو بس الشيخ ده مية مية الشيخ ده نجم. طب افرض الشيخ - [00:01:18](#)

ده بقى قال لكم ان ده حرام ولا يجوز لا لا لا الشيخ ده ارهابي ومتطرف. وما ينفعش انه يبجي عندنا اصلا ولازم بيعد عننا. اهي دي يهدي به الا مين؟ من اتبع رضوانه. اللي فعلا همه ارضيك ازاي يا رب؟ انا عايز اعرف مرادك وانا اعمله. حتى لو فوق نفسيتي حتى لو ضد رغبتني - [00:01:38](#)

حتى لو ضد هواي حتى لو هو جاي على مصلحتي فيما يبدو لي في فهمي القاصر. ده اللي بي فهم القرآن. ده اللي يهدي بالقرآن ربنا بيهدى بالقرآن مين؟ اللي اتبع رضوانه. اللي بيتتبع رضا الله وعايز يعرف فعلا ايه اللي يرضيه. يبقى انت لو عندك الهم ده انا نفسي ارضيك يا رب. اقري القرآن - [00:01:58](#)

هتوصل لي للانوار كلها نفس الشمس ونفس القمر اللي سيدنا ابراهيم كان بيص لهم كل يوم. النهاردة لما بص لهم قال وجهت وجهي للذي فطر السماوات ليه؟ لان النهاردة الهم مختلف. النهاردة انا لازم اوصل لربنا. فالهم هو القائد الحقيقي للفهم. الهم كل واحد فينا بي فهم على قد الهم بتاعه - [00:02:18](#)

طب يهدي به الله ايه بقى؟ يعني القرآن بقى هيهديك لايه؟ سبل السلام. خدوا بالكم اخطر حزف في القرآن هنا. كان المتوقع ربنا يقول يهدي به الله الى سبل السلام. يبقى ربنا بيهدى اللي بيتتبع رضا الله واللي عايز يرضي ربنا بالقرآن الى سبل السلام. انما -

[00:02:38](#)

يهدي به الله من اتبع رضوانه سبل السلام. يعني ربنا طب ايه الفرق بين يهدي به الله سبل السلام ويهدي به الله الى سبل السلام. هي نفس المعنى اللي في الفاتحة. اهدنا الصراط المستقيم. مش اهدنا الى الصراط. اهدنا الى الصراط عرفنا الطريق منين وانا هدخل

وامشي - 00:02:58

لوحدي. عرفني بس الطريق للمستشفى منين ؟ الطريق لقسم الشرطة منين ؟ الطريق للسوبر ماركت منين ؟ وانا خلاص انا فاهم يمين
في شمال السلام عليكم. انما اهدنا الصراط يهدي به الله سبل السلام. لأ يا رب ما تعرفنيش السكك منين وبعد كده تسيبني. خليك معي
خطوة خطوة طول - 00:03:18

يبقى يا رب انا عايزك تصاحبني يا رب طول الطريق والا انا هتوب لو سبتني في نص الطريق انا ضعت. لو سبتني قبل نهاية الطريق
بخطوة لو سبتني قبل الفردوس - 00:03:38

الاعلى بخطوة انا ضعت وانتهيت انا يا رب ما اعرفش اي حاجة. انا يا رب مش انا لا استطيع ان اسير خطوة الا بنور منك منك
معنى جبار في الافتقار الى الله في كل خطوة في الطريق. عشان تنقل اي نقلة عشان تطلع من دور لدور عشان تنقل من نقلة لنقلة -
00:03:48

انت محتاج هدى الله سبحانه وتعالى طيب سبل السلام يعني ايه سبل السلام ؟ سبل السلام يا اخواني لها ثلاث معاني. المعنى الاولاني
ان السلام هو اسم الله السلام. السلام اي معطي السلام - 00:04:08

معطي السلامة. يبقى الاولاني يهدي به الله. من اتبع رضوانه سبل السلام اي الطرق الموصلة الى الله. يبقى القرآن ده هيوصلك ربنا لو
انت بتقراه عشان توصل لربنا. اللي بيقراه عشان ياخذ عشر حسنات من الحرف هياخذ عشر حسنات. اللي بيقراه عشان يعرف اوصل
لك ازاى - 00:04:22

هتلاقي في اية بتكلمك عن التدبر في الخلق. اية بتكلمك عن الدعوة الى الله. اية بتكلمك عن زيارة المقابر. اية بتكلمك عن حضور
الدروس الایمانية. كل دي سبل السلام. كل - 00:04:42

الطرق اللي هتوصلك الى الله السلام. المعنى الثاني السلام اي السلامة. السلامة الكاملة. يبقى سبل السلام اي الطرق الى السلام. السلام
النفسي السلام النفسي ان ما عدش يبقى فيه حرب جواك ما عدش يبقى فيه اتنين بيتشاكلوا عليك من جوة. ما حدش يبقى فيه
صراعات نفسية ونار جوة نفسيتك. سلام نفسي - 00:04:52

تصالح مع نفسك. راضي ونفسك طيبة. السلام الاجتماعي ما عايش فيه انشقاق مجتمعي. ولا الصراع ما بين طبقات المجتمع. ولا
مجتمع مشقوق نصين وحوار الطرشي وما حدش بيسمع لحد. وما فيش حوار مجتمعي. السلام الاجتماعي. السلام الاقتصادي. السلام
من الدول وبين - 00:05:13

الم وبعضه يبقى ده سبل السلام. نفسنا نعيش في سلام. يا رب القرآن ولا يوصلكم للسلام ؟ المعنى الثالث الجنة والله يدعو الى دار
السلام. اي الدار سلمت من كل هم وغم. الدار مكتوب عليها ممنوع دخول الاكثاب ممنوع دخول الحزن. ممنوع دخول الهم ممنوع
دخول النصب والوصب. ممنوع دخول - 00:05:33

والشجار ممنوع كل ده ممنوع. ده ما بيدخلش هنا. يبقى الاية دي يا جماعة اية من كتاب ربنا بتدلنا على حاجات كتير قوي وبتدينا
مفاتيح كتير قوي هو ده الطريق ان احنا ناخذ اية من كتاب ربنا اية اية كل كلمة من كلام القرآن ممكن تغير حاجات كتير في حياتك
لو انت فعلا تدبر في هذه - 00:05:53

الاية الاية دي احنا خرجنا بها يهدي به الله. اللي عايز يوصل للهدى به بالقرآن. القرآن هو الطريق. بس القرآن له شروط للانتفاع منه
في عربيات الكتالوج بتاعها بيوصل لالف صفحة. فيه مكن في مصانع الكتالوج بتاعه بيوصل لثلاث واربع تلاف صفحة. فيه اه اجهزة
منزلية - 00:06:13

الكتالوج بتاعها بيوصل لسبعميت وتمنيت صفحة وللازم تقراها عشان تفهم تستفيد ازاى ده الكتالوج اللي بيوصلك للسعادة والنجاح
والهداية والنور وسبل تمام. يبقى لازم تركز مع كلمة كلمة قرآنية. مين بقى يا رب اللي بيستفيد من القرآن ويهدي به ؟ من اتبع
رضوانه اللي فعلا هو مش بيتبع هواه. هو مش مزجان - 00:06:33

هو مش واحد عايز ياخذ الاية اللي يستدل بها على رغباته ومصالحه واهوائه وانما هو عايز يا رب ايه اللي يرضيك وانا اعمله طيب

ربنا يهديه لايه؟ سبل السلام. هيوصله لربنا وهيعرفه الطرق اللي توصله الى الفردوس الاعلى والى الجنة دار السلام. وهيوصله -

00:06:53

السلام النفسى لا اكتئاب ولا هم ولا توتر ولا غم. ده وعود من الله سبحانه وتعالى للي بيرتبط بكتاب الله. اللهم اجعل القرآن العظيم

ربيع قلوبنا ونور صدورنا وجلاء احزاننا وذهاب همومنا - 00:07:13